

# Карачаево-Черкессин уулин күүкд улсин негдгч съезд

Майин 18-д Черкесск балгъ-снд, Карачаево-Черкесск областин уулин күүкд улсин негдгч съезд болв.

Съезд деер 300 гар делегатнр цуглрв. Эдн дунд промышленн предприятиясин түрүн нуурт йовдж кӧдлцхӧджӧх, селӧнӧ эдл-ахун, малчнрин, механизатормудин, сургъулин багшнрин, эмчнрин дундас сӧӧнӧр кӧдлцхӧджӧх күүкд улс болн олн күүкдтӧ экнр йовцхана.

Съезд деер гиичнр болдж Карачаево-Черкесск хотн-хоша бӧӧх ах-дӧ келн-ӧмтнӧ—Кабардино-Балкарин, Адыгейин болн Хальмгин делегацирцхӧв. Съездин кӧдлмштнӧ КПСС-н крайин комитетин негдгч сетлӧтр ӧр И. К. Лебедев орлцв.

„Алдр Октябрьск социалистическ революцин 40-ч джилн ӧбнин байрин сӧн ӧдриг кехд белдхин тускар“ КПСС-н ЦК гаргъсн тогтавр болн күүкд улсин тӧрмӧд — гидж съезд деер, КПСС-н Черкесск балгъсна комитетин сеглӧтр ӧр Дубкова доклад кев. Эн докладин күүндвр келгӧяр 25 кун босдж ӧг келцхӧв.

Алдр Октябрин 40-ч джилн ӧбнӧр ӧбрддж ирдж йовх цагт, Карачаево-Черкессин олн-ӧмтнӧ эдл-ахугъин аль болв чигн халхарнӧ ик диилврмӧд бӧрдж бӧӧхин тускар съездин делегатнр босдж келцхӧв, тедниг күүцлгънд уулин күүкд улс шунмгӧагъяр орлцдж йовцхана гидж тедн заацхав.

Уулин күүкд улс кезӧнӧ, революцин урдк цагт болхла ямр кевӧр даджрулдж йовсинӧ медӧтӧ күүкд улс санл кедж келцхӧгъӧд, Коммунистическ партиг болн Алдр Лениниг, күүкд улс залу улсла зӧвӧрн ӧдл болдг тӧриг тууджд түрүн болдж йилгъдж таслсиднӧ гӧн ик ханмдж кедж йӧрӧцхӧв.

Мана тангъгъчас эн съездд одсн делегацир орцхаснӧ: сур-

гъулин багш Антонина Калачинова, поштин кӧдлӧч Вера Джамбинова, тангъгъчин күүцӧгч комитетин стенографистка Зинаида Джимбинова. Делегацин даалгъврар, би уулин күүкд улсин экчнр-дүүнр болгч хальмг күүкд улсин нерн деерӧс тедн халун менд келӧд, Алдр Октябрӧс урдк цагт болхла хальмг күүкд улс, тадн мет бас зовдж-тӧрдж, даджргддж йовла, Коммунистическ партиг болн алдр Ленин гардлгътагъяр кегдсн Алдр Октябрьск социалистическ революцин ашднӧ зуг бидн залу улсла зӧвӧрн ӧдл болдж сулдвдн гидж келӧв. Хальмгин, Балкарин, Карачаевин, Чечен-Ингуш келн-ӧмтнӧ автономий партиг болн правительств бӧрдӧсиднӧ цуг хальмгуд, тедн дотр күүкд улс ик ханлт кедж, байрлджахинӧ келвдн. Мана хальмг күүкд улс тангъгъчиннӧ малгериг, эрдм-сургъулиг ӧсгддж ӧргхин тӧлӧ чидлӧн ӧрвллгӧ кӧдлцхӧдж йовхинӧ медӧулвдн.

Хойр хонгт уулин күүкд улс дунд бӧӧснӧ ашднӧ тедн-лӧ сӧн таньл-иньгс болад, нигдж эн харгъц келгън сүүлин бичӧ болтха гидж хоорндан бичг бичлдх, күүцӧддж йовх кӧдлмштӧн нег-негндӧн сӧв-селвгӧн ӧгцхӧх, дӧнӧ-дамджган кӧргцхӧх болвдн.

Хотн-хошаднӧ бӧӧх ахнр-дүүнр болгч келн-ӧмтнӧ делегацирцхӧдж, эн нигдж кегдсн уулин күүкд улсин негдгч съезд, ахнр-дүүнр келн-ӧмтнӧ күүкд улсин йоста иньг боллгънд хӧврв.

Кабардино - Балкарин, Адыгейин болн Хальмгин күүкд улсин делегациг ик халун оньган тӧвдж тосад, тедн гиичлӧулсинӧ онц темдглх кергтӧ. Съездин кӧдлмшт орлцсндан икӧр байрта хӧрдж ирвдн.

**Е. ШУРГУЧИНОВА,**  
сургъулин багшнрин медрлин ӧдлӧуллгънӧ институтин директорин дарук, хальмг күүкд улсин делегацин гардврч.